



第四場精算雙膽 尾關玩健康增強

今期三T有500萬多寶，成班粉絲即刻醒神晒，希望今期可以揀啱心水搵到食！第四場第四班1600米，「爆出美麗」近排走勢唔錯，但降班即用潘頓，小心有啲伏。搵膽都係用兩個本地薑穩陣啲，「江南勇士」季初何澤堯同楊明倫各贏一場，後來加咗分都跑到第三，今次楊明倫唔放手，排埋3檔靚位有贏面，而「精算特殊」上季放頭贏，今季轉用後勁爆冷，呢類均速轉後追馬多數會繼續進步，12檔可以換番啲分頭。

天星14檔不穩 揀閃光燈

第五場第四班1200米，「天星」上場Easy Win，不過今次14檔有啲牙煙，如果「綠族威」搶埋一份，後上馬「閃光燈」食正晒形勢，上場蝕步速都追得咁勁，今次班德禮做嘢應該可以再贏。呢場有兩隻冷嘢要留意，「星光快驅」最近試開好醒神，換艾道拿隨時得手，「幸運旅程」落到四班排1檔，絕對唔可以當佢有到。

三T提供(96注)		
第四場	第五場	第六場
4 江南勇士	2 閃光燈	1 健康快車
12 精算特殊	1 天星	3 增強
2 時時稱心	4 幸運旅程	2 時時歡聲
3 開心五月	7 星光快驅	6 七彩雲珠
6 東方飛影	14 逆市奇爸	9 觀眾之力
10 聚風雲		12 戰寶
(4注)	(6注)	(4注)

紅字為馬膽

第六場第三班1200米，「健康快車」同「增強」上場申Q，前駒上場濕地贏得超輕鬆，今次仲有加油閘，蔡神仙睇嚟趁費用晒佢，「增強」好有卡士，健康好番三班幾惡，一於博佢開翻版Q。腳要揀兩隻暗牌馬「時時歡聲」同「觀眾之力」。

怡勁力準備爆樽



黎昭昇今季成績認真麻麻，好多馬拉倉都交到成績，好似「納百川」、「愛心神駒」及「魔術控制」轉倉第一場就贏馬，你都咪話唔慘！今期可能又有馬界人爆樽，第三場「怡勁力」嚟香港兩季各贏一場，今季跑五場最叻第九，馬主終於決定轉交容天鵬打理。

「怡勁力」轉倉之後，返上從化重新做過工夫，上個月尾試草開，楊明倫中段透出之後，好輕鬆咁帶返終點，隻馬好明顯有番生氣。睇番「怡勁力」田草1200米兩次上名，證明呢個路程一樣掂，而且首次落四班，分分鐘即刻割人。



●「怡勁力」（前）近期從化試開走勢復甦。

冷門WP	
第三場	1 怡勁力

六環三寶最緊要夠搏



禮拜日六寶獎有多寶，注碼要睇住嚟玩，第五場「閃光燈」如果有快步速會非常之正，丁冠豪爭緊頭馬上岸，呢類寶藏一定唔會收埋埋，六環彩頭關一隻搞掂。另外兩場比較明朗係第六場「健康快車」同「增強」、第七場「喜蓮勇感」同「遨遊武士」，頭三關慳注碼，後面場次擺番重啲。

第八場有快步速

全日其中一場最亂係第八場，「時尚歡欣」同「喆喆友福」排外檔實搶埋嚟，應該啱晒「紫荊拼搏」追，呢隻馬初出胸膽起飛跑第二，質素唔係講玩，跟住心律不正退出，上場回一回氣，今次換希威森冷門咪睇小。

六環彩 (48注) 三寶 (12注)		
第五場	第六場	第七場
2 閃光燈	1 健康快車	1 喜蓮勇感
	3 增強	5 遨遊武士
第八場	第九場	第十場
7 紫荊拼搏	1 膨才	2 飛輪步
9 紅衣醒目	2 神馳	9 首飾天空
11 精算激流		

蔡約翰神馳揸旗



今期混合過關頭關陳頭場五班2000米，湯普新雖然騎功同成績都麻麻地，但香港馬圈最緊要有人撐，黎昭昇都幾睇好湯普新，現任主席利子厚同老友陳衍里醫生，以前養過隻好出色嘅PPG「天下為攻」，現役「利衍天下」雖然11場未贏過，但已跑過兩場位置，今次跳上嚟跑2000米，阿媽呢邊有隻子嗣贏到2000米，長力完全唔使擔心，賽前又有加油閘，睇動態今次搏命格，WP有錢分玩得過。

飛輪步冷門出招

第九場蔡約翰隻「神馳」，今季六戰攞到兩冠兩亞，上場初上1600米先輸，今次跑番1400米完全唔同，呢注W有得諗。尾場三班1600米肯定係亂局，如果到時有馬放，「飛輪步」有權偷襲，呢隻喘鳴馬今季執咗2W，證明佢三班夠晒卡士，奧爾尼接手隨時有驚喜。



●「神馳」（前）回師田草1400米更具把握。

混合過關3×4 (32注)		
第一場WP	第九場W	第十場Q OP
4 利衍天下	2 神馳	2 飛輪步
		9 首飾天空
		11 本領輝煌

韋達從騎 曾勝中大盃



韋達從騎時代貴為13屆冠軍騎師，而且有贏馬機器稱號，每季頭馬非常多，捧盃機會當然比其他騎師高，周日唯一盃賽為第五場中大校友會盃，韋達曾於2006年夥拍蔡廸「多快樂」及2011年騎孫係「較量」揚威這項錦標。

韋達現時從鞍上退下來，依然有機會以練馬師身份參與這項錦標，旗下「友盈勇者」雖然來港後六戰不入三甲，但曾經在賽事中展現追勢，今次用董明朗必冷，且看能否為馬迷帶來驚喜。



●韋達騎師生涯贏過兩次中大校友會盃。

晨操系列：草開



上回談到蘇偉賢不時安排馬匹彈草開，藉此調教馬匹出閘反應。如果要再細分，每個馬房在這同一操練下的風格都各異，例如方嘉柏旗下馬匹彈草開會開快時間，他主張讓馬匹順走；但是蘇偉賢會安排馬匹通常第一段跳比較快，旋即收慢，因為他只是想在臨出賽前測試馬匹出閘一刻的反應，而非再催谷馬匹狀態。有少量馬房如告東尼，他通常只會在千八米的起步點安排多駒進行「教開」，即只讓馬匹入閘，但不會出閘，目的是要令馬匹適應在閘內靜候，不要亂發脾氣。



●方嘉柏（左）和蘇偉賢兩師徒的操練方式也各異。

皇仁歡星昭易搵 靚位拍住上



田草B+2賽道中，1600米的檔位數據，在今季合共作賽了24場後，有6個檔位的勝出率都達到雙位數，並且是內外檔都有，形勢看似均等，但有趣的是其中2檔的勝出率高達21%，上名率更達46%，然而旁邊的3、4檔勝出率分別是0%與8%；周日尾場的2檔「皇仁歡星」隨時有計，3、4檔的「定數」與「一定掂」，似是避之則吉。

周日田草共有3場1600米賽事，結合實力與檔位形勢，尾場是最值得留意之戰。此程B+2欄的2檔勝出率為21%，是全日同類數據第二高，今季24戰錄得5冠5亞1季，上名率亦達46%，幾乎每兩匹2檔馬便有1匹上名。

說到尾場的2檔馬「皇仁歡星」，今季已經錄得兩捷，今年1月第345場跑1600米後上如飛贏出之戰，正是由潘明輝操刀。這場之後，此駒被勁加10分，然後近兩場升上三班跑，表現都令人失望。

不過，姚本輝在上場用田泰安全程跟尾而回後，今場重新用上潘明輝執韁，人馬合拍有保證，配上「黃金2檔」出擊，隨時可施回馬槍製造驚喜。

同場尚值得留意的是13檔的「昭易搵」，此程的13檔今季出賽15場有2冠1季，勝出率與上名率分別為13%與20%，都算不俗，是外檔中的最好位。「昭易搵」今季出賽7戰錄得2冠2亞1季，上場在艾道拿胯下輕勝，賽後加6分不多，今場乘勇出戰，檔位亦有數據支持，轉交巴度都要留意。

五班長途 齊歡最樂

另外，周日頭場是五班2000米賽事，今季此程B+2欄以1檔11戰2冠3亞最好成績，勝出率與上名率為18%與45%，這場1檔「齊歡最樂」元旦日跑田草1800米曾經得亞，今場或者有計。同程12檔合共4戰有1冠1亞，勝出率與上名率是25%與50%，這場的12檔「皇金風速」之前兩場大敗，今場隨時翻生。

田草1600米B+2賽道檔位統計

檔位	出賽	冠	亞	季	殿	勝出率	入Q率	上名率
1	24	3	1	2	3	13%	17%	25%
2	24	5	5	1	3	21%	42%	46%
3	24	0	3	3	2	0%	13%	25%
4	24	2	0	0	2	8%	8%	8%
5	24	2	3	2	2	8%	21%	29%
6	23	4	1	4	1	17%	22%	39%
7	23	1	3	2	4	4%	17%	26%
8	22	1	5	1	2	5%	27%	32%
9	21	2	1	1	0	10%	14%	19%
10	19	2	0	0	2	11%	11%	11%
11	19	0	1	2	2	0%	5%	16%
12	17	0	1	4	0	0%	6%	29%
13	15	2	0	1	1	13%	13%	20%
14	12	0	1	0	0	0%	8%	8%

賽馬會社區七欖計劃 圓滿結束 逾萬人受惠



連續第4次成為「香港國際七人欖球賽」的官方社區合作夥伴的香港賽馬會，透過橄欖成長基金設立的「賽馬會社區七人欖球計劃」，經過上月舉辦不同的社區活動，來到上周末壓軸的「香港國際七人欖球賽」，終於圓滿結束。「賽馬會社區七人欖球計劃」讓超過一萬名來自不同年齡層、能力和背景的人士，去到啟德體育園主場館親身體驗「七欖」熱潮，為這計劃畫上完美句號。



●見習騎師黃寶妮出席嘉年華活動，深受小朋友歡迎。

本年度「賽馬會社區七人欖球計劃」於3月頭起展開，在3月2及9日率先舉行「賽馬會多元運動體驗日」，讓多間學校的學生及體育機構服務對象，體驗欖球、足球、3×3籃球、板球、賽馬、霹靂舞及障礙競技運動等運動，傳遞正面價值觀，例如永不放棄和毅力等信息。

黃寶妮參與嘉年華分享會

至於3月15及16日在奧海城舉行的「賽馬會精英運動員分享會暨嘉年華」，同樣有上述七項運動的體驗攤位，更邀請了包括香港賽馬會見習騎師黃寶妮在內的幾位



●一眾小球員在啟德參與了小型欖球表演賽。

運動員，與市民分享不同運動對個人成長有關的主題，活動大受歡迎。

重頭戲則是3月28至30日在啟德體育園主場館上演的「香港國際七人欖球賽」，今次計劃有三大活動，包括「賽馬會七人欖球賽學校導賞團」、「賽馬會社區七人欖球賽體驗日」，以及「賽馬會小型欖球表演賽」。

橄欖成長基金主席 Ben Harris 表示：「感謝香港賽馬會慈善信託基金一直支持欖球的社區計劃，今次圍繞香港國際七人欖球賽的不同社區活動亦十分成功，總受惠人數超過一萬人。」